

- (2) Državni službenik i namještenik ima pravo na neplaćeno odsustvo sa rada u trajanju od dva dana u jednoj kalendarskoj godini radi zadovoljavanja vjerskih odnosno tradicijskih potreba, ako zakonom nije drugačije određeno.

Član 16.

(Plaćeno odsustvo za pripremanje i polaganje stručnog ispita)

Državni službenik i namještenik ima pravo na plaćeno odsustvo sa rada u trajanju od pet radnih dana za pripremanje i polaganje stručnog ispita ili drugog ispita koji predstavlja uslov za obavljanje poslova radnog mjesta na koje je državni službenik i namještenik raspoređen.

Član 17.

(Neplaćeno odsustvo do 30 dana)

Državnom službeniku i namješteniku može se odobriti neplaćeno odsustvo sa rada do 30 dana u sljedećim slučajevima:

- za pripremanje i polaganje ispita,
- za sudjelovanje u stručnim seminarima,
- za gradnju i popravku kuće ili stana,
- za njegu člana porodice,
- za sudjelovanje na kulturnim, sportskim susretima i drugim sličnim slučajevima.

Član 18.

(Neplaćeno odsustvo duže od 30 dana)

Iznimno, državnom službeniku se može odobriti neplaćeno odsustvo sa rada duže od 30 dana u sljedećim slučajevima:

- boravak u inostranstvu radi spajanja porodice ukoliko bračni drug državnog službenika boravi u inostranstvu po osnovu odluke nadležne institucije u Bosni i Hercegovini ili nadležnog organa u Federaciji Bosne i Hercegovine i po ovom osnovu odsustvo ne može trajati duže od četiri godine,
- školovanje koje nije obuhvaćeno organizovanim oblicima obuke koju provode organi i institucije u Federaciji Bosne i Hercegovine, odnosno u Bosni i Hercegovini, a koje doprinosi ukupnom usavršavanju državnog službenika i po ovom osnovu odsustvo ne može trajati duže od dvije godine.

Član 19.

(Kolektivno osiguranje)

- Ministar je dužan osigurati nužne uslove za zdravlje i sigurnost državnih službenika i namještenika na radu.
- Ministar je dužan ugovoriti kolektivno osiguranje državnih službenika i namještenika, u skladu sa zakonom.

V - PRELAZNE I ZAVRŠNE ODREDBE

Član 20.

(Stupanje na snagu)

Ovaj pravilnik stupa na snagu danom donošenja i objavit će se u "Službenim novinama Kantona Sarajevo".

Broj 27-01/2-02-45036/22

11. novembra 2022. godine

Sarajevo

Ministrica

Aleksandra Nikolić, s. r.

Ministarstvo za boračka pitanja Kantona Sarajevo

Na osnovu člana 66. stav 2., člana 68. stav 1. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), člana 49. stav (3) i člana 50. Zakona o dopunskim pravima boraca - branitelja

Bosne i Hercegovine ("Službene novine Kantona Sarajevo", broj 31/22), ministar za boračka pitanja Kantona Sarajevo donosi

PRAVILNIK**ZA UTVRĐIVANJE PRAVA NA UKOPNO MJESTO U
"ALEJI VETERANA" U GROBLJU VLAKOVO****DIO PRVI - OSNOVNE ODREDBE**

Član 1.

(Osnovne odredbe)

Ovim pravilnikom uređuju se uvjeti, kriteriji, način obavljanja ukopa i vojne počasti u "Aleji veterana" groblja Vlakovo ili na nekoj drugoj lokaciji predviđenoj za ovu namjenu (u daljnjem tekstu: Aleja veterana) i pravo dobitnika ratnih priznanja ili odlikovanja na obavještanje o smrti putem javnih medija, organiziranje ukopa-sahrane uz državne počasti i pravo na ukopno mjesto na lokacijama zaslužnih ličnosti.

Član 2.

(Definisanje korisnika prava)

- Pravo na ukop u Aleji veterana ostvaruju dobitnici ratnih priznanja i odlikovanja definisani članom 5. stav 3. Zakona o posebnim pravima dobitnika ratnih priznanja i odlikovanja i članova njihovih porodica ("Službene novine Federacije BiH", br. 70/05, 61/06, 9/10, 90/17 i 29/22).
- Pravo na ukop u Aleji veterana ostvaruju i:
 - dobrovoljci koji su učestvovali u pripremanju za odbranu i u odbrani Bosne i Hercegovine u periodu od 18.09.1991. do 09.04.1992. godine, kao i drugo lice koje nije bilo vojni obveznik u vrijeme dobrovoljnog stupanja u Oružane snage Republike Bosne i Hercegovine (u daljnjem tekstu: OS RBiH) i ostali neprekidno u jedinicama do kraja rata ili je ranije demobilizirano od nadležnog vojnog organa,
 - organizatori otpora koji su organizovali i rukovodili u pripremi za odbranu i u odbrani Bosne i Hercegovine, najmanje 100 dana, u periodu od 18.09.1991. do 09.04.1992. godine, i uz to bio pripadnik OS RBiH ili državnih organa ili institucija vezanih za odbranu Bosne i Hercegovine najmanje dvije godine, a čiji je status potvrđen od strane Federalnog ministarstva za pitanja boraca i invalida odbrambeno-oslobodilačkog rata,
 - veterani koji su stupili u OS RBiH u periodu od 18.09.1991. do 31.12.1992. godine, i ostali neprekidno do 23.12.1995. godine, ili su ranije demobilizirani od nadležnog vojnog organa.
- Pravo na ukop u Aleji veterana ostvaruju i ratni vojni invalidi bez obzira na stepen invalidnosti.

Član 3.

(Definicije pojedinih pojmova)

- Vojna počast je aktivnost Oružanih snaga Bosne i Hercegovine (u daljnjem tekstu: OS BiH) propisana procedurama u OS BiH, koja se odaje veteranima prilikom ukopa i visokim vojnim i državnim zvaničnicima.
- Počasna straža je aktivnost OS BiH koja se provodi prilikom ukopa visokog vojnog i državnog zvaničnika. Formira se posebno za svaki pojedinačni slučaj.
- Visoki vojni i državni zvaničnik je lice koje je vršilo visoke državne funkcije u Predsjedništvu, Vladi i

Ministarstvima Republike Bosne i Hercegovine ili je obavljalo visoke komandne i rukovodne štabne dužnosti u OS RBiH.

- (4) Najviša vojna odlikovanja su najviše rangirana odlikovanja i priznanja koja su kao takva označena u propisima u Bosni i Hercegovini, Federaciji Bosne i Hercegovine ili nižim nivoima vlasti.
- (5) Boračko udruženje je udruženje boraca, veterana, invalida, porodice šehida i poginulih boraca ili slično udruženje koje je historijski i sadržajno povezano i orijentirano na njegovanje tradicije i vojnog naslijeđa OS RBiH.
- (6) Veteranski buket je položni ili drugi buket uobičajene veličine, sa zastavicom Republike Bosne i Hercegovine u obliku lente pričvršćenom na vrhu ili centralnom dijelu buketa (vidnom dijelu buketa).
- (7) Počast jedinicom OS BiH je aktivnost OS BiH koja se odaje u skladu sa propisanim procedurama u OS BiH, a povodom značajnih datuma. Jedinica vrši pozdravljanje oružjem - odaje počast prilikom polaganja cvijeća u Aleji veterana.
- (8) Ukop je obavljanje sahrane, dženaze, pogreba uz vjerski obred ili sahrane na ateistički način sa i bez odavanja vojnih počasti.

Član 4.

(Rodna neutralnost izraza)

Izrazi koji se koriste u ovom pravilniku, a imaju rodno značenje koriste se neutralno i odnose se jednako i na muški i na ženski rod.

DIO DRUGI - UVJETI I NAČIN OSTVARIVANJA PRAVA

Član 5.

(Uvjeti za ostvarivanje prava)

- (1) Pravo na ukop i grobno mjesto u Aleji veterana imaju lica iz člana 2. ovog pravilnika ako su bili pripadnici Prvog korpusa Armije Republike Bosne i Hercegovine (u daljnjem tekstu: A RBiH) i pripadnici Ministarstva unutrašnjih poslova Republike Bosne i Hercegovine (u daljnjem tekstu: MUP-a RBiH), Hrvatskih obrambenih snaga (u daljnjem tekstu: HOS-a) i Hrvatskog vjeća obrane (u daljnjem tekstu: HVO) u zoni odgovornosti Prvog korpusa A RBiH, a prije smrti su imali prebivalište ili boravište na području Kantona Sarajevo, a:
 - a) poginuli u oslobodilačkom ratu 92.-95. godine i ekshumirani su i identificirani,
 - b) umrli su ili poginuli nakon rata.
- (2) Izuzetno, Ministar za boračka pitanja Kantona Sarajevo (u daljnjem tekstu: ministar) može odobriti ukop pripadnika OS RBiH, bez obzira na uvjete iz stava 1. ovog člana visokom vojnom i državnim zvaničniku, dobitnicima ratnih priznanja i odlikovanja, organizatorima otpora, veteranima - prvoborcima i dobrovoljcima i ratnim vojnim invalidima koji su zaslužni za odbranu Bosne i Hercegovine, a ne mogu dobiti grobno mjesto bez naknade i porodica ima prebivalište/boravište na području Kantona Sarajevo.

Član 6.

(Podnošenje zahtjeva)

Pripadnost definisana članom 2. i 5. ovog pravilnika se dokazuje dokumentacijom nadležnog organa.

Član 7.

(Način ostvarivanja prava)

- (1) O pravu na ukop, grobno mjesto i način ukopa odlučuje direktor Javne ustanove "Fond Memorijala Kantona Sarajevo" (u daljnjem tekstu: Fond Memorijala) odgovarajućim aktom - rješenjem, prije ukopa.
- (2) Izuzetno akt - rješenje može biti doneseno 48 sati nakon ukopa o čemu odlučuje direktor Fonda Memorijala. Odluka Fonda Memorijala saopćava se usmeno podnosiocu zahtjeva.
- (3) Direktor Fonda Memorijala o zahtjevu po hitnom postupku odlučuje rješenjem, na koje se može izjaviti žalba. Po žalbi rješava ministar.

Član 8.

(Organ kojem se zahtjev podnosi)

Zahtjev za ostvarenje prava na ukop i grobno mjesto u Aleji veterana podnosi se Fondu Memorijala najmanje 24 sata, izuzetno 12 sati prije ukopa.

Član 9.

(Podnosioci zahtjeva)

- (1) Zahtjev za ukop i grobno mjesto u Aleji veterana podnosi porodica, izuzetno bliži srodnici ili boračko udruženje.
- (2) Zahtjev iz stava (1) ovog člana smatra se saglasnošću za ukop i grobno mjesto u Aleji veterana.

Član 10.

(Sadržaj zahtjeva)

U zahtjevu za ukop i grobno mjesto u Aleji veterana, podnositelj zahtjeva obavezno navodi svoju odluku o slijedećem:

- a) obavljanje ukopa uz vjerski obred jedne od vjerskih konfesija,
- b) obavljanje ukopa na ateistički ili na drugi način,
- c) obavljanje ukopa uz vojne počasti.

Član 11.

(Potrebna dokumentacija)

Potrebna dokumentacija za ukop i grobno mjesto jeste:

- a) uvjerenje o pripadnosti OS RBiH,
- b) dokaz o ratnom priznanju ili odlikovanju,
- c) rješenje o priznavanju statusa ratnog vojnog invalida i uvjerenje da je korisnik invalidnine,
- d) potvrda o smrti,
- e) fotokopija prijave mjesta boravka-prebivališta za umrlo lice.

Član 12.

(Dopuna dokumentacije)

U slučaju kada je smrt nastupila u neradne dane ili državne praznike, a postoje razlozi za hitnost ukopa, potrebno je dopuniti dokumentaciju prvi naredni radni dan.

DIO TREĆI - NAČIN OBAVLJANJA UKOPA

Član 13.

(Saradnja sa KJKP "Pokop")

Ukop u Aleji veterana obavlja se u saradnji sa javnim preduzećem koje gazduje i upravlja gradskim grobljem "Vlakovo", KJKP "Pokop" uz korištenje kapaciteta i usluge preduzeća.

Član 14.

(Procedure prilikom ukopa)

- (1) Ukop u Aleji veterana vrši se uz obavljanje vjerskog obreda ili na drugi ateistički način o čemu odlučuje porodica ili podnositelj zahtjeva.

- (2) Vojne počasti pripadaju licu u skladu sa Pravilnikom o svečanostima i počastima, broj 06-02-3-3578/10 od 04.08.2010. godine Ministarstva odbrane Bosne i Hercegovine (u daljnjem tekstu: Pravilnik o svečanostima i počastima) i ovim pravilnikom.

Član 15.

(Način obavljanja vjerskih obreda)

Obavljanje vjerskog obreda vrši se po pravilima vjerskih zajednica i njima rukovode službenici vjerskih zajednica u Bosni i Hercegovini svih konfesija, na način karakterističan za ateistički ukop.

DIO ČETVRTI - VOJNE POČASTI

Član 16.

(Propis za vojne počasti)

Odavanje vojnih počasti veteranima OS RBiH regulisano je propisom Ministra odbrane Bosne i Hercegovine - Pravilnik o svečanostima i počastima.

Član 17.

(Način obavljanja počasti)

- (1) Odavanje vojnih počasti vrši se jedinicom OS BiH. Vojna jedinica OS BiH počast odaje u skladu sa propisima i pravilima u OS BiH.
- (2) Sastav jedinice OS BiH za odavanje vojnih počasti prilikom ukopa, prilagođava se tradiciji i vjerskim osjećanjima podnosioca zahtjeva.

Član 18.

(Saradnja sa OS BiH)

U pripremi, organizaciji i obavljanju ukopa obavezno se ostvaruje saradnja sa Komandom 2. pješadijskog (rendžerskog) puka OS BiH.

Član 19.

(Način realizacije)

- (1) Vojna počast se odaje postrojanjem jedinice OS BiH, ispaljivanjem počasnih plotuna, predajom zastave Bosne i Hercegovine članu uže porodice, bližem srodniku umrlog ili predstavniku boračkog udruženja i pozdravljanjem oružjem.
- (2) Vojnu počast u potpunosti realizuju pripadnici OS BiH.

Član 20.

(Počasna straža)

- (1) Sastavni dio vojnih počasti je počasna straža i prevoženje na lafetu vojnim vozilom. O zahtjevu koji se podnosi Ministarstvu odbrane BiH za odobrenje počasne straže i upotrebu lafeta i vojnog vozila, odlučuje Direktor za visoke vojne i državne zvaničnike, pojedine ratne komandante brigada, pukova i nosioce najvišeg ratnog priznanja OS RBiH.
- (2) U svim drugim slučajevima mogu se koristiti vozila javnog preduzeća koje gazduje i upravlja grobljem "Vlakovo".

Član 21.

(Uvjeti za odavanje počasti)

Vojna počast jedinicom OS BiH odaje se licu ukoliko su ispunjeni slijedeći uvjeti:

- a) da je obavljalo dužnost ratnog komadanta samostalnog bataljona, puka, brigade ili višu komandnu dužnost,
- b) daje imalo lični čin pukovnika ili viši u OS RBiH i VF BiH,

- c) da je nosilac najvišeg ratnog priznanja A RBiH, RMUP-a, HVO-a,
- d) i drugim licima ukoliko to odobri Ministarstvo odbrane Bosne i Hercegovine.

DIO PETI - PROTOKOLI I ODAVANJE POČASTI

Član 22.

(Troškovi ukopa)

Troškovi ukopa regulisani su članom 47. stav (1) Zakona o dopunskim pravima boraca-branitelja Bosne i Hercegovine, ("Službene novine Kantona Sarajevo", broj 31/22).

Član 23.

(Isticanje zastava)

U Aleji veterana na vidnom mjestu na jarbolu ističu se zastave:

- a) na ulazu u Aleju veterana Zastava Bosne i Hercegovine i Zastava Republike Bosne i Hercegovine,
- b) u Aleji u centralnom dijelu Zastava A RBiH, Zastava MUP-a RBiH i Zastava 1. Korpusa A RBiH.

Član 24.

(Predaja zastave)

Ministarstvo obezbjeđuje Zastavu Bosne i Hercegovine koja se predaje trajno porodici pri obavljanju ukopa i veteranski buket koji se polaže nakon ukopa.

Član 25.

(Protokol povodom praznika)

Odavanje počasti jedinicom OS BiH u Aleji veterana može se vršiti u povodu važnih praznika (Dan A RBiH, Dan 1. Korpusa A RBiH i sl.), polaganjem cvijeća u Aleji veterana i na Spomeniku mira na groblju Vlakovo.

Član 26.

(Neodavanje vojnih počasti)

Odavanje vojnih počasti jedinicom OS BiH ne može se vršiti licu ukoliko postoji potvrđena optužnica ili presuda Međunarodnog krivičnog suda ili sudova u Bosni i Hercegovini.

Član 27.

(Nadgrobnni spomenici)

Nadgrobnni spomenici u Aleji veterana podižu se u skladu sa usvojenim Idejnim rješenjem veteranskih nišana, a podiže ih Fond Memorijala.

DIO ŠESTI - PRAVO NA OBAVJEŠTAVANJE O SMRTI DOBITNIKA RATNIH PRIZNANJA I ODLIKOVANJA

Član 28.

(Obavještanje o smrti dobitnika ratnih priznanja i odlikovanja)

Pravo na obavještanje o smrti putem javnih medija, organiziranje ukopa-sahrane uz državne počasti i pravo na ukopno mjesto na lokacijama zaslužnih ličnosti ostvaruju dobitnici ratnih priznanja ili odlikovanja.

DIO SEDMI - PRIJELAZNE I ZAVRŠNE ODREDBE

Član 29.

(Prestanak važenja ranijeg propisa)

Danom stupanja na snagu ovog pravilnika prestaje da važi Pravilnik za utvrđivanje prava na ukopno mjesto u "Aleji veterana" u groblju Vlakovo ("Službene novine Kantona Sarajevo", br. 12/12, 48/19 i 23/21).

Član 30.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 06-02-47122/22

23. novembra 2022. godine
Sarajevo

Ministar

Dr. sc. **Omer Osmanović**, s. r.**GRAD SARAJEVO****Gradonačelnik**

Na osnovu člana 38. Statuta Grada Sarajeva ("Službene novine Kantona Sarajevo", broj 34/08 - prečišćeni tekst), člana 9., člana 17a. i člana 28. Odluke o priznanjima i nagradi Grada Sarajeva ("Službene novine Kantona Sarajevo", broj 34/10 - prečišćeni tekst, 14/14, 31/14, 11/20, 16/22 i 22/22 - ispravka), gradonačelnica Grada Sarajeva donosi

ODLUKU**O DODJELI PRIZNANJA - ZAHVALNICA GRADA SARAJEVA**

Član 1.

Itu Makatu, ambasadoru Japana u Bosni i Hercegovini, dodjeljuje se priznanje - Zahvalnica Grada Sarajeva kao znak zahvalnosti Grada Sarajeva za iskazanu uspješnu saradnju i doprinos unaprjeđenju promocije Grada Sarajeva, kao i pruženoj podršci projektnim aktivnostima od značaja za Grad Sarajevo, na koji način je dao doprinos imidžu Grada Sarajeva kao humane sredine i mjesta ugodnog življenja.

Član 2.

Gradonačelnica Grada Sarajeva će Zahvalnicu Grada Sarajeva, u obliku svečane diplome, uručiti prilikom zvaničnog susreta u službenim prostorijama Vijećnice, dana 23.11.2022. godine, o čemu će se izdati potvrda.

Član 3.

Odluka stupa na snagu danom donošenja i bit će objavljena u "Službenim novinama Kantona Sarajevo".

Broj 01/14-04-7723/22

17. novembra 2022. godine
Sarajevo

Gradonačelnica

Doc. dr. **Benjamina Karić**, s. r.**OPĆINA ILIDŽA****Općinsko vijeće**

Na osnovu člana 25. stav (8) i člana 34. stav (1) i člana 39. stav (2) Zakona o prostornom uređenju Kantona Sarajevo ("Službene novine Kantona Sarajevo", br. 24/17), i člana 19. i 28. Statuta Općine Ilidža - Prečišćeni tekst ("Službene novine Kantona Sarajevo", br. 33/10, 18/16), Općinsko vijeće Ilidža na 18. redovnoj sjednici održanoj dana 18.11.2022. godine, donijelo je

ODLUKU**O PRISTUPANJU IZRADI IZMJENA I DOPUNA REGULACIONOG PLANA "BUTMIR" - PO SKRAĆENOM POSTUPKU - IZGRADNJA ZELENIH POVRŠINA UZ DJEČIJA I REKREATIVNA IGRALIŠTA****Vrsta Plana**

Član 1.

Pristupa se izradi Izmjena i dopuna Regulacionog plana "Butmir" ("Službene novine Grada Sarajeva", br. 04/89 i "Službene novine Kantona Sarajevo", 30/09) - izgradnja zelenih

površina uz dječija i rekreativna igrališta na zemljištu označenom kao k.č. br. 719/1, 719/2, 719/3, 719/4, 719/5, 719/8, 719/9, 719/13, 708 i dio 1271/10 K.O. Butmir (kat. stanje), u ulici Aerodromska do br. 47, po skraćenom postupku - u daljem tekstu: Plan.

Granice područja za koje se Plan radi

Član 2.

Granica obuhvata polazi od tačke br. 1 koja se nalazi na parceli k.č. 1672, a ima koordinate $y=6527000$, $y=4852790$, potom produžava na sjeverozapad idući međom parcele k.č. 1271/10 (obuhvata je) i dolazi u tačku br. 2 koja se nalazi na međi između parcela k.č. 1271/5 i 1271/10, a ima koordinate $y=6526894$, $x=4852844$. Granica potom skreće na sjever sijekujući parcele k.č. 1271/10, 719/1, te nastavlja u istom pravcu obuhvatajući parcele k.č. 719/2, 719/13 i dolazi do tačke br. 3 koja ima koordinate $y=6526930$, $x=4852913$, granica se lomi u pravcu jugoistoka idući međom parcele k.č. 708 (obuhvata je) te dolazi do tačke br. 4 koja se nalazi na parceli k.č. 1672, a ima koordinate $y=6527017$, $x=4852871$, nastavlja na jug idući putem k.č. 1672 i dolazi do mjesta odakle je opis granice i počeo.

Sve gore navedene parcele se nalaze u K.O. Butmir, općina Ilidža.

Površina obuhvata iznosi $P=0,87$ ha.

Vremenski period za koji se Plan donosi

Član 3.

Plan se donosi za period do donošenja novog planskog dokumenta.

Smjernice za izradu Plana

Član 4.

Plan se vrši na vlasničkim parcelama (k.č. broj 719/1, 719/2, 719/3, 719/4, 719/5, 719/8, 719/9, 719/13, 708 i dio 1271/10 K.O. Butmir (kat. stanje)).

Izmjena i dopuna Regulacionog plana "Butmir" ("Službene novine Grada Sarajeva", br. 04/89 i "Službene novine Kantona Sarajevo", 30/09), vrši se u granicama gore navedenih parcela, a u cilju stvaranja planskog preduvjeta za izgradnju zelenih površina uz dječija i rekreativna igrališta kao i reorganizaciju planiranih parcela za izgradnju individualnih stambeno-poslovnih objekata.

Kod izrade Izmjena i dopuna Plana neophodno je sagledati sve parametre koji utiču na projekciju izgradnje i uređenja prostorne cjeline, analizirati prirodne i stečene uslove u prostoru, analizirati promjene u prostoru u odnosu na važeći Regulacioni plan "Butmir", te dati sintezu postojećeg stanja za područje obuhvata u skladu sa članom 60. Uredbe o jedinstvenoj metodologiji za izradu planskih dokumenata ("Službene novine Federacije BiH", broj 63/04, 50/07 i 84/10).

Na osnovu gore navedenih analiza, a prilikom izrade urbanističkog rješenja Izmjena i dopuna Plana, pridržavati se slijedećih urbanističko-tehničkih uslova:

- planirati izgradnju zelenih površina uz dječija i rekreativna igrališta na dijelu parcele k.č. 719/1, k.č. 719/3, k.č. 719/4, k.č. 719/8 i k.č. 719/9 K.O. Butmir, sa pristupom iz ulice Aerodromska;
- potrebno je zadržati koncept saobraćajne mreže definisan važećim Regulacionim planom, kako položajno tako i po gabaritima;
- okvirna površina koju zauzimaju zelene površine uz dječija i rekreativna igrališta iznosi oko 0,4 ha;